

Գովելով յիշեալ պարոնայից բարեպաշտութիւնը՝ Ամսագրոյս միջոցաւ եւ շնորհակալութեամբ կհրատարակեմք ի տեղեկութիւն մեր սիրելի Ազգայնոց:

Յառաջակայ ուսումնական շրջանում ի Ս. Գէորգեան ձեմարան ընդունուելիք աշակերտաց վերաբերեալ հետագայ հրահանգը ի կողմանէ ձեմարանական Վարչութեան կը հրատարակուի, որոյ առանձին տպուած օրինակները պէտք եղած տեղեաց եւս պիտի խրկուին ի կարեւոր հրահանգութիւն:

ՀՐԱՋԱՆԳ

ՎԵՍՆ ԸՆՏՐՈՒԹԵԱՆ ԱԶԵԿԵՐՏԱՅ

ՈՐԲ ԿԵՄԻՅԻՆ ՄՏԱՆԵԼ ՅԱՌԱՋԻՆ ԴԵՍՐԱՆ

ՃԵՐԱԲԱՆԴՍ

Ի Կ ՍԵՊՏԵՄԲԵՐԻ 1877 ՏԱՐԻՈՅՍ:

Ըստ հրամանի Վեհափառ Հայրապետի ամենայն Հայոց եւ ըստ սահմանելոյ ուսումնական Ժողովոյ ձեմարանիս՝ ծանուցանի՝ որոց անկն է, զի

Ա. Յառաջիկայ ուսումնական ամի ձեմարանիս, որոյ սկիզբն է ի 1 Սեպտեմբերի, բացցի եւ հինգերորդ դասարան Գպրանոցական բաժնի սորս:

Բ. Միայն յառաջին դասարանն ընկալեալ լիցին նորամուտ աշակերտք:

Գ. Ընտրելի են պատանիք առաւելապէս յայնպիսի բաղմամարդ հայաբնակ կողմանց՝ յորս չեւ եւս գտանին զըզրոցք կանոնաւորք, ոչ չորեքդասեան հոգեւոր ուսումնարանք եւ ոչ երկդա-

սեան դպրոցք ծխականք լիովին բարեկարգեալք:

Դ. Ընտրելիքն պարտին լինել որք եւ կամ որդիք աղքատ եւ չքաւոր ծնողաց:

Ե. Ամբ հասակի պատանեաց ցանկացողաց մտանել յառաջին դասարան ձեմարանիս պարտին լինել ոչ պակաս քան 12, եւ ոչ աւելի քան 14:

Զ. Պարտ է նոցա քաջաւոյժս լինել մարմնով, եւ ունել զընտուր ուշիմութիւն, զսրամտութիւն, զհլութիւն եւ զպարկեշտութիւն:

Է. Ուսմունքն զորոց հարցաքննիլ են աշակերտք ցանկացողք մտանել յառաջին դասարան ձեմարանիս՝ են

1.) ԿՐԾՆԱԳԻՏՈՒԹԻՒՆ: այս ինքն

ա. Գլխաւոր աղօթք (ի ժամադրոց) ուսեալի բերան՝ հանդերձ Թարգմանութեամբ նոցին յաշխարհիկ բարբառ:

բ. Պատմութիւն հին եւ նոր կտակարանաց համառօտ:

գ. Սկզբունք քրիստոնէական վարդապետութեան:

2.) ՀԱՅԵՐԷՆ ԼԵԶՈՒ:

ա. Գրալարժ ընթերցումն հայերէն լեզուի՝ հանդերձ Թարգմանութեամբ բանից սրից աւետարանին ի զորց լեզուէ յաշխարհիկին:

բ. Հայերէն գերականութեան առաջին մասն հանդերձ վերլուծութեամբ մասանց բանի:

3.) ԹՈՒԱԲԱՆՈՒԹԻՒՆ:

Զորքին գլխաւոր զործողութիւնք Թուարանութեան եւ փորձք նոցին:

4.) ՌՈՒՍԱՅ ԼԵԶՈՒ:

Վարժ ընթերցանութիւն՝ հանդերձ հայերէն Թարգմանութեամբ սովորական բառից եւ խօսից:

5.) ՎԱՅԵԼԶԱԳՐՈՒԹԻՒՆ ՀԱՅԵՐԷՆ ԵՒ ՌՈՒՍԵՐԷՆ:

Ը. Յանկացողքն մտանել ի ձեմարանս պարտին ունել երկս վիպագիրս. 1, զարձանագրական (մետրիքական) վիպ-

յազիր ծննդեան եւ մկրտութեան: 2, զվկայագիր ուսեալ գոլոյ զուսմունսն ի վեր այսր նշանակեալս, եւ 3, զվկայական բժշկի՝ զի հանեալ են զծաղիկ բրնական, կամ՝ ընկալեալ զպատուաստ ծաղկին:

Թ. Հոգեւոր տեղական իշխանութիւնք պարտին ստուգել զվկայագիրսն եւ ստորագրութեամբ իւրեանց հաստատել:

Ժ. Ընտրեալքն յաշակերտութիւն ձեմարանիս՝ պարտին գտանիլ ի սուրբ Էջմիածին գէթ երկուք եօթնեկօք յառաջ քան զսկզբնաւորութիւն տարեկան դասաւորութեանց, այսինքն ի 15 օրէ 0-գոստոսի մինչեւ ց20:

ԺԱ. Աշակերտ ոք որ գայցէ ի քաղաքաց կամ ի գիւղօրէից եղելոց արտաքոյ Արարտեան նահանգիս կամ վիճակին երեւանի, պարտի բերել յաւանդ բուրլիս ասան և հինգ կամ աւելի՝ ըստ հեռաւորութեան վայրացն, որպէս զի եթէ հարկ լիցի դառնալ նմա ի հայրենիսն՝ մի ծանրացին ծախք ճանապարհին ի վերայ ձեմարանիս: Եթէ աշակերտն այն կացցէ մնացէ ի ձեմարանի աստ մինչեւ ցաւարտ ուսումնական ընթացիցն, գումարն այն յանձնի նմա ամբողջ յելսն ի ձեմարանէս:

ԺԲ. Եթէ նորամուտ աշակերտ ոք հարցաքննեալ ի ձեմարանիս՝ ոչ ունիցի զսլայմանսն ի վեր այսր նշանակեալս, դարձուցանի յետս ծախիւք առաքողացն զնա:

ԺԳ. Որք միանգամ ցանկանայցեն մտանել յաշակերտութիւն ձեմարանիս սրբոյ Էջմիածնի, պարտաւորին ոչ միայն

ճշգիւ պահել զկանոնս սորա, այլ եւ աւարտել ի սմին զլեցումեայ ընթացս ուսմանցն սահմանելոց: Իսկ եթէ ոք յաշակերտաց մտաբերիցէ ի բոց գնալ աստի՝ մինչեւ աւարտեալ զընթացսն, եւ այն ոչ ի պատճառս անբուժելի հիւանդութեան իրիք կամ տկարութեան, եւ ոչ վասն այլ ինչ կարեւոր եւ ծանր պատճառի, այլ յինքնայօժար կամաց, կամ ըստ հաճոյից ծնողացն եւ ազգականաց, — պարտաւորի վճարել ձեմարանիս բուրլիս հարկ — և յետեւ վասն միոյ միոյ ամի զոր կացեալ իցէ ի սմա, իբրեւ ի հատուցումն փոխարինի սննդեան եւ խնամոց յորս վայելեաց, եւ ինքնակամ հրաժարեալ աստի՝ թերակատար եթող յիւրմէ կողմանէ զգաստիարակութիւն իւր եւ զհրահանգսն, եւ ի գերեւ եհան զակնկալութիւն հիմնադրի ձեմարանիս ի ծախուցն եղելոց յիւր վերայ:

ԺԴ. Զժամանակ ամառնային աւուրց հանգստեան անցուցանեն աշակերտք ի ձեմարանի աստ — կամ յամարանոցի սորա (յորժամ պատրաստեցի) — պարապելով ի թեթեւագոյն վարժս ուսմանց եւ ընթերցանութեան: — Միայն աշակերտաց Զորրորդի դասարանին, որք գովութեամբ աւարտիցեն ի նմին զուսմունսն (յամս երկս կամ չորս)՝ հրաման լինի չուել ի հայրենիս իւրեանց յետ տարեկան հարցաքննութեանց՝ երկամսեայ ժամանակաւ, այսինքն ի 5 օրէ յունիսի ց15 Ոգոստոսի՝ ծախիւք ծնողացն կամ առաքողաց զնոսա: